

萬善同歸集卷第二

史二

台教云疑者言大乘平等何相可論今言不爾祇曰平等鏡淨故諸業像現今止觀研心

心漸明淨照諸善惡如鏡被磨萬像自現是知不有而有無性緣生有而不成緣生無性

史三

常寢實際中道冷然欣感不生分別情斷虛懷寂慮何得失之所惑乎又若諷誦遺與受持大乘功得幽深果報玄邈如經佛親比較譬如一人辯若文殊教化四天下人皆至一生補處格量功德不如香華供養方等經典

得下等寶又阿難疑審七佛現身證明實有此事又如說脩行得上等寶受持讀誦得中等寶香華供養得下等寶法華經云供養四百萬億阿僧祇世界衆生乃至皆得阿羅漢道盡諸有漏於深禪定皆得自在具八解脫

不如第五十人聞法華經一偈隨喜功德百千萬億分不及其一又經云若人讀誦經處其地皆為金剛但肉眼衆生不能見耳南山感通傳云七佛金塔中有銀印若誦大乘者以銀印印其口令無遺忘普賢觀經云若七

衆犯戒欲一擣指頃除滅百千萬億阿僧祇
劫生死之罪者乃至欲得文殊藥王諸大菩
薩持香華住立空中侍奉者應當修習此法
華經讀誦大乘念大乘事令此空慧與心相
應大般若經云無諸惡獸嚴穴寂淨而為居

止所謂聞法書夜六時勤加讚誦聲離高下
心不緣外專心憶持賢愚經云行者欲成佛
道當樂經法讀誦演說正使白衣說法諸天
鬼神悉來聽受況出家人出家之人乃至行
路誦經說偈常有諸天隨而聽之是故應勤

誦經說法已上皆是金口誠諦之言非是妄
心孟浪之說是以志心誦者證驗非虛常為
十方如來釋迦文佛密垂護念讚言善我授
手摩頭共宿衣覆攝受付囑隨喜威加乃至
神王護持天仙給侍金剛擁從釋梵散華成

史二

就福因等法界虛空之際量校量功勝恒沙
七寶之施緣乃至凡質通靈肉身不壞舌變
紅蓮之色口騰紫檀之香聞一句而垂趣菩
提誦半偈而功齊大覺書寫經卷報受欲天
供養持人福過諸佛可謂法威德力不可思議

門萬端千靈因茲而感三賢十聖從此而生
亘古該今從凡至聖三業供養十種受持盡
稟真詮傳持不絕今何起謗而斷轉法輪乎
問經中紙讚如說修行深解義趣勤求無念
默契玄根云何勸修廣興唱誦若約上上

善助開自力恐成稽滯又若論福業偏行門
中萬行莊嚴不捨一法皆能助道顯大菩提
具足十種受持亦無所闕故法華經云爾時
千世界微塵數菩薩摩訶薩從地涌出者皆
於佛前一心合掌瞻仰尊顏而白佛言世尊

圓根大機淳熟無諸遮障預了頓脩若妄念
不生何須助道大凡微細想念念佛地方無故
安般守意經序云彈指之間心九百六十轉
一日一夕十三億意意有一身心不自知猶
彼種夫也是知情塵障厚卒淨良難若非萬

我等於佛滅度後世尊分身所在國土滅度
之處當廣說此經所以者何我等亦自欲得
是真淨大法受持讀誦解說書寫而供養之
以知登地菩薩非獨為他解說尚自叢願誦
持何況初心而不稟受但先求信解悟入後

即如說而行口演心思助開正慧若未窮宗
旨且徇文言雖不親明亦熏善本般若威力
初後冥資於正法中發一微心皆是初因終
不孤棄問欲真持經應念實相既忘能所誦
者何人若云心口所為求之了不可得究竟

推檢理出何門卷雖觀能念所誦皆空空非
斷空不閑能誦所持為有有非實有不空不
偏假是以一心三觀三觀一心即一而三相
不同即三而一體無異非合非散不縱不橫

存泯莫羈是非焉局常冥三諦摠合一乘萬
行度門咸歸實相又所難念誦有妨禪定者
且禪定一法乃四辯六通之本是革凡蹈聖
之因攝念少時故稱上善然湏明沉掉消息
之時經云如坐禪昏昧湏起行道念佛或志

誠洗懺以除重障策發身心不可確執一門
以為究竟故慈愍三藏云聖教所說正禪定
者制心一處念念相續離於昏掉平等持心
若睡眠覆障即須策勤念佛誦經禮拜行道
講經說法教化衆生萬行無廢所修行業回

向往生西方淨土若能如是修習禪定者是
佛禪定與聖教合是衆生眼目詣佛印可一
切佛法等無差別皆乘一如成最正覺皆云
念佛是菩提因何得妄生邪見故台教行四
種三昧小乘具五觀對治亦有常行半行種

丈三

四

種三昧終不一向而局坐禪金剛三昧經云
不動不禪離生禪想法句經云若學諸三昧
是動非是禪心隨境界生云何名為定起信
論云若人唯修於止則心沉沒或起懈怠不
樂衆善遠離大悲乃至於一切時一切處所

有衆善隨已堪能不捨修學心無懈怠惟除
坐時專念於止若除一切悉當觀察應作不
應作若行若住若卧若起皆應止觀俱行是
以若能通達定散俱得入道若生滯闊行坐
皆即成非南岳法華懺云修習諸禪定得諸
佛三昧六根性清淨菩薩學法華具足二種
行一者有相行二者無相行無相安樂行甚
深妙禪定觀察六情根有相安樂行此依勸
叢品散心誦法華不入禪三昧坐立行一心
念佛華文字行若成就者即見普賢身是以

智者修法華懺誦至藥王焚身品云是真精進是名真法供養如來頓悟靈山如同即席乃至密持神呪靈脫昭然護正防邪降魔去外制重昏之巨障滅積劫之沉疴現不測之神通示難思之感應扶其廣業殄彼餘殃仰

史二

五

憑法力難思遂致安然入道是以或因念佛而證三昧或從坐禪而發慧門或專誦經而見法身或但行道而入聖境但以得道為意終不取定一門惟憑專志之誠非信虛誕之說問行道禮拜未具真脩祖立客春之德佛

有磨牛之謂故智論云須菩提於石室悟了法空得先禮佛四十二章經云心道若行何用行道豁然詮旨何故非違答若行道禮拜時不生殷重既無觀慧又不專精雖身在道場而心緣異境著有為之相迷其性空起能作之心生諸我慢不了自他平等所能所虛玄儻涉茲倫深當前責南泉大師云微妙淨法身具相三十二祇是不許分割心量若無如是心一切行處乃至彈指合掌皆是正因萬善皆同無漏始得自在百丈和尚云行道禮

拜慈悲喜捨是沙門本事宛然依佛勑祇是
不許執著法華懺云有二種脩一事中修若
禮念行道悉皆一心無分散意二理中修所
作之心心性不二觀見一切悉皆是心不得
心相普賢觀經云若有晝夜六時禮十方佛

誦大乘經思第一義甚深空法於一彈指頃
除百萬億劫由他恒河沙劫生死之罪行此
法者真是佛子從諸佛生十方諸佛及諸菩
薩為其和尚是名具足菩薩戒者不須羯磨
自然成就應受一切人天供養且行道一法

西天偏重繞百千匝方施一拜經云一日一
夜行道志心報四恩如是等人得入道疾繞
塔功德經云勇猛勤精進堅固不可壞所作
速成就斯由右繞塔得妙紫金色相好莊嚴
身現作天人師斯由右繞塔華嚴懺云行道

史二

六

起步過於無邊世界一一道場皆見我身南
山行道儀云夫行道障盡為期無定日限若
論障盡佛地乃亡心灼灼如火然形翹翹如
履刃儀云若從來不行道業相無因而現經
云衆生如大富首兒雖有種種寶物而不得

見今行道用功垢除心淨如翳眼開明如水澄鏡淨衆像皆現亦如日照火珠於火便出問諸法實相無善惡相云何有現耶答雖無我無造無受者善惡之業亦不亡諸法無相能示有相行者行道不念有相不念無相但

念念功成其相自現猶如盆水處於密室雖無心分別衆像自現問相現之時真偽何辨云何分別而取捨耶答若取如取虛空若捨如捨虛空間有人久修不證者何耶答經云衆生心如鏡鏡垢像不現問論云行道念佛

與坐念佛功德如何答譬如逆水張帆猶云得往更若張帆順水速疾可知坐念一口尚乃八十億劫罪消行念佛功德豈知其量故偈云行道五百遍念佛一千聲事業常如此西方佛自成若禮拜則屈伏無明深投覺地致

史三

七

敬之極如樹倒山崩業報差別經云禮佛一拜從其膝下至金剛際一塵一轉輪王位獲十種功德一者得妙色身二出言人信三處衆無畏四諸佛護念五具大威儀六衆人親附七諸天愛敬八具大福報九命終往生十

速證涅槃三歲勒迦云發智清淨禮者良由達佛境界慧心明利了知法界本無有闕由我無始順於凡俗非有有想非閑閑想今達自心虛通無碍故行禮佛隨心現量禮於一佛即禮一切佛禮一切佛即是禮一佛以佛

法身體用融通故禮一拜遍通法界如是香華種種供養例同於此六道四生同作佛想文殊云心不生滅故敬禮無所觀內行平等外順修敬內外冥合名平等禮法華懶云當禮拜時雖不得能禮所禮然影現法界一一

佛前皆見自身禮拜略引祖教理事分明不可滅佛意而毀金文據偏見而傷圓旨問文殊云心同虛空故敬禮無所觀甚深修多羅不聞不受持如何執相稱禮佛徇文云誦經違大士之誠言失諸佛之深旨答此雖約理

而述且無事而不顯從事而施又無理而不圓理事相成方顯斯旨失言心同虛空故敬禮無所觀者此是破其能所之是何者心同虛空不見能禮無有所觀則無所禮如是禮時非對一佛二佛心等太虛身徧法界不聞

不受持者不聞則無法義可觀不受持則非文字可記如是持經有何間斷亦是說者無示聽者無得然雖約理非為事外之理既不離事即是理中之事此乃正禮時無禮當持時不持不可依語而不依義而興斷滅偏枯

史三

八

之見乎問六念法門十種觀相雖稱助道徇想緣塵勞起垂真何如淨念答無念一法衆行之宗微細俱亡唯佛能淨故經云三賢十聖住果報唯佛一人居淨土况居凡地又在初心若無助道之門正道無由獨顯且六念

之法能消魔幻增進功德扶策善根十觀之門善離貪著潛清濁念審契真源皆入道之要津盡脩禪之妙軌似杖有扶危之力如船獲到岸之功力備功終船杖俱捨問首楞嚴經云持犯但束身非身無所束法句經云戒

性如虛空持者為迷倒何苦堅執事相局念拘身奚不放曠縱橫虛懷履道答此破執情非祛戒德若見自持他犯起譏毀心戒為防非因防增過如斯之類實為迷倒淨名經云非淨行非垢行是菩薩行故不著持犯二邊

是真持戒大般若經云持戒比丘不昇天堂
破戒比丘不墮地獄何以故法界中無持犯
故此亦破著了諸法空事理雙持身心俱淨
又若論縱橫自在唯佛一人持淨戒其餘皆
名破戒者帶習尚被境牽現行豈逃緣縛三

史一

九

業難護放逸根深猶醉象無鉤癡猿得樹奔
波乍擁生鳥被籠若無定水戒香慧炬無由
照寂是以菩薩稟戒為師明遵佛勅雖行小
罪由懷大懼謹潔無犯輕重等持息世譏嫌
恐生疑謗夫戒為萬善之基出必由戶若無

此戒諸善功德皆不得生華嚴經云戒能開
善提心學是勤修功德地於戒及學常順
行一切如來所稱羨薩遮尼乾子經云若不
持戒乃至不得疥癩野干身何況當得功德
法身月燈三昧經云雖有色族及多聞若無
戒智猶禽獸雖處卑下少聞見能持淨戒名
勝士智論云若人棄捨此戒雖山居苦行食
果服藥與禽獸無異若有雖處高堂大殿好
衣美食而能行此戒者得生好處及得道果
又大惡病中戒為良藥大怖畏中戒為守護

死闇冥中戒為明燈於惡道中戒為橋梁死
海水中戒為大舟又如今末代宗門中學大
乘人多輕戒律稱是執持小行失於戒急所
以大涅槃經佛臨涅槃時抉律談常則乘戒
俱急故號此經為贖常住命之重寶何以故

若無此教但取口解脫全不修行則乘飛俱
失故經云尸羅不清淨三昧不現前從定發
慧因事顯理若闢三昧慧何由成是知因戒
得定因定得慧故云贖常住命之重寶何得
滅佛壽命壞正律儀為和合海內之死屍作

長者園中之毒樹衆聖所責諸天所訶善神
不親惡鬼削跡居國王之地生作賊身處閻
羅之鄉死為獄卒諸有智者宜暫思馬間空
即罪性業本真如取相增瑕如何懺悔若
煩惱道理遣舍宜苦業二道湏行事懺投身
史二

歸命雨淚翹誠感佛威加善根頤叢似池華
得日敷榮若塵鏡遇磨光耀三障除而十二
緣滅衆罪消而五陰舍空最勝王經云求一
切智淨智不思議智不動智三藐三菩提正
偏知者亦應懺悔滅除業障何以故一切諸

法從因緣生故又經云前心起罪如雲覆空後心滅罪如炬破暗湏知炬滅暗生要湏常然懺炬彌勒所問本願經云彌勒大士善種方便安樂之行得致無上正真之道晝夜六時正衣束體下膝著地向於十方說此偈言

我悔一切過勸助衆道德歸命禮諸佛令得無上慧大集經云百年垢衣可於一日浣令鮮淨如是百劫中所集諸不善業以佛法力故善順思惟可於一日一時盡能消滅又經云然諸福中懺悔為最除大障故獲大善故

論云善薩懺悔銜悲滿目況不蒙大聖立斯赦法抱罪守死長劫受殃婆沙論云若人於一時對十方佛前代為一切衆生修行五悔其功德若有形量者三千大千世界著不盡高僧傳曇第於道場中行懺見七佛告曰汝

丈三

士

罪已滅於賢劫中號普明佛思大禪師行方等懺夢梵僧四十九人命重受戒倍加精苦了見三生智者大師於大蘇山修法華懺證旋陀羅尼辯沙門道超於道場中修懺獨言笑曰無價寶珠我今得矣東都英法師講華

嚴經入善道道場便遊三昧悲泣歎曰自恨多年虛廢光陰勞身心耳高僧慧成學究三歲被思大禪師訶曰吾一生學問與吾炙手猶未得暖虛喪功夫示入觀音道場證解衆生語言三昧經云晝夜六時行上法者如持七

寶滿闍浮提供養於佛比前功德出過其上經云不能生難遭之想今生末世但見遺形理宜端肅涕零寫淚歎歎咎躬如入廟堂不見嚴父故思大禪師行方等而了見三生高僧曇策入道場而親蒙十蹄智者證旋咤羅

尼辯道超獲無價寶珠此皆投身懺門歸命佛語致茲玄感頓驅聖階是以懺悔躋至等覺謂有一分無明猶如微煙故須洗滌又法身菩薩尚勤懺悔豈況業繫之身而無重垢所以十八不共法中三業清淨唯佛一人南

岳大師云修六根懺名有相安樂行直觀法空名無相安樂行妙證之時二行俱捨問結果業即解脫真源罪垢不住三際何不了無生而直滅隨有作而勞功乎若夫罪性無體業道從緣不染而染習垢非無染而不染本來

常淨業性如是去取尤難一切衆生業通三
世真慧不妄被二障之所纏妙定不成為五
蓋之所覆唯圓乘佛旨湏於淨處嚴建道場
苦到懇誠普代有情勤行懺法內則唯憑自
力外則全仰佛加遂得障盡智明雲開月朗

史三

十三

是以非內非外能悔所識俱空而內而外性
罪遮憊宛爾故菩薩皆遵至教說悔先罪而不
說入過失且登地入位尚洗垢以除瑕毛
道散心却談虛而拱手問淨名經云罪性不
在中外中間豈是虛誑何堅不信謗正法輪

執有所作罪根實乃重增其病若佛語成諦
理事分明能拔深疑善開重惑若深信者一
聞千悟稱說而行既蕩前非不形後過步步
觀照念念無差此乃宿習輕微善根深厚乘
戒俱急理行相從斯即深達教門堅持佛語

何須事懺過自不生如若垢重障深智荒德
薄但空念一切罪性不在中外中間觀其三
業現行全沒根塵法內如說羨食終不充飢
似念藥方焉能治病若令但求其語而得罪
消則一切業繫之人故應易脫何乃積劫生

死如旋火輪以知業海渺茫非般若之舟空渡障山孤峻匪金剛之慧難傾然後身心一如理事雙運方萎苦種永斷業繩所以祖師云將虛空之心合虛空之理亦無虛空之量始得報不相酬又教云淨意如空此有二義

史三

三

一者離虛妄取如彼淨空無有雲翳二者觸境無滯如彼淨空不生障闇既廓心境罪垢何生若能如是名為依教尚不見無罪豈況有愆耶又罪性本淨是體性淨契理無緣是方便淨因方便淨顯體性淨因體性淨成方

便淨方便淨者力行薰治體性淨者一念圓照本末相應內外更資故湏理事相扶成其二淨正助兼懺證此一心設但念空言實難違教不信之謗非此誰耶南山四分鈔問有人言罪不罪不可得名戒者何耶鈔若非謂邪見麤心言無罪也若深入諸法相行空三昧慧眼觀故言罪不可得若肉眼所見與牛羊無異誦大乘語者何足據焉是以理觀苦諦事行須扶如風送船疾有所至猶膏助火轉益光明豈同但保空言全無尅證誑他陷

已果沒阿鼻捨生受身神投業網間唯心淨
土周遍十方何得托質蓮臺寄形安養而興
取捨之念豈達無生之門欣厭情生何成平
等答唯心佛土者了心方生如來不思議境
界經云三世一切諸佛皆無所有唯依自心

菩薩若能了知諸佛及一切法皆唯心量得
隨順忍或入初地捨身速生妙喜世界或生
極樂淨佛土中故知識心方生唯心淨土著
境抵墮所緣境中既明因果無差乃知心外
無法又平等之門無生之旨雖即仰教生信

其柰力量未充觀淺心浮境強習重願生佛
國以仗勝緣忍力易成速行菩薩道起信論
云衆生初學是法欲求正信其心怯弱以住
於此娑婆世界自畏不能常值諸佛親承供
養懼謂信心難可成就意欲退者當知如來
火三

十四

有勝方便攝護信心謂以專意念佛因緣隨
願得生他方佛土常見於佛永離惡道如修
多羅說若人專念西方極樂世界阿彌陀佛
所修善根迴向願求生彼世界即得往生常
見佛故終無有退若生彼佛真如法身常勤

修習畢竟得生住正定故往生論云遊戲地
獄門者生彼國土得無生忍已還入生死國
教化地獄救苦衆生以此因緣求生淨土十
疑論云智者熾然求生淨土達生體不可得
即真無生此謂心淨故即佛土淨愚者為生

所縛聞生即作生解聞無生即作無生解不
知生即無生無生即生不達此理橫相是非
此是謗法邪見人也群疑論問云諸佛國土
亦復皆空觀衆生如第五大何得取着有相
捨此生彼答諸佛說法不離二諦以真統俗

無俗不真以俗會真萬法宛爾經云成就一
切法而離諸法相成就一切法者世諦諸法
也而離諸法者第一義諦無相也又經云雖
知諸佛國及與衆生空常修淨土行教化諸
群生汝但見說圓成實性無相之教破偏計

卷

主

所執畢竟空無之文不信說依他起性因緣
之教即是不信因果之人說於諸法斷滅相
者摩訶衍云菩薩不離諸佛者而作是言我
於因地遇惡知識毀謗般若墮於惡道經無
量劫雖未得出復於一時依善知識教行念

佛三昧其時即能併遣諸障方得解脫有斯
大益故不願離佛故華嚴偈云寧於無量劫
具受一切苦終不遠如來不覩自在力問一
生習惡積累因深如何臨終十念頃遣答那
先經云國王問那先沙門言人在世間作惡
先經云國王問那先沙門言人在世間作惡

至百歲臨終時念佛死後得生佛國我不信
是語那先言如持百枚大石置船上因船故
不沒人雖有本惡一時念佛不入涅槃中其
小石沒者如人作惡不知念佛便入涅槃中
又智度論問云臨死時少許時心云何能勝

終身行力答是心雖時頃少而心力猛利如
火如毒雖少能作大事是垂死時心決定勇
健故勝百歲行力是後心名為大心及諸根
事急如人入陣不惜身命名為健故知善惡
無定因緣體空跡有昇沉事分優劣真金一

兩勝百兩之釤華燭火微光爇萬仞之蘋草
問心外無法佛不去來何有見佛及來迎之
事答唯心念佛以唯心觀徧該萬法既了境
唯心了心即佛故隨所念無非佛矣般舟三
昧經云如人夢見七寶親屬歡喜覺已追念

不知在何處如是念佛此喻唯心所作即有而空故無來去又如幻非實則心佛兩亡而不無幻相則不壞心佛空有無闇即無來去不妨普見見即無見常契中道是以佛寶不來心亦不去感應道交唯心自見如造罪衆

史二

十六

生感地獄相唯識論云一切如地獄問見獄卒等能為逼害事故四義皆成四義者如地獄中亦有時定處定身不定作用不定皆是唯識罪人惡業心現並無心外實銅狗鐵蛇等事世間一切事法亦復如是然遮那佛土

匪局東西若正解了然習累俱殄理量雙脩親證無生既歷聖階位居不退即不厭生死苦六道化群生如信心初具忍力未圓欲拯沈淪實難俱濟無船救溺翅弱高飛卧沉疴而欲離良醫處襁褓而擬拋慈母久遭沉墮

必死無疑但得陷已之處未明利他之分故智論云譬如嬰兒若不近父母或墮坑落井水火等難乏乳而死須常近父母養育長大方能紹繼家業初心菩薩多願生淨土親近諸佛增長法身方能繼佛家業十方濟運有

斯益故多願往生又按諸經云生安養者緣
強地勝福備壽長蓮華化生佛親迎接便登
菩薩之位頓生如來之家永處跋致之門盡
受菩提之記身具光明妙相跡踐寶樹香臺
獻供十方寧神三昧觸耳常聞大乘之法差

史二

十七

肩皆隣補處之人念念虛玄心心靜慮煩惱
焰滅愛欲泉枯尚無惡趣之名豈有輪迴之
事安國鈔云所言極樂者有二十四種樂一
欄楯遮防樂二寶網羅空樂三樹陰通衢樂
四七寶浴池樂五八水澄漪樂六下見金沙

樂七階際光明樂八樓臺陵空樂九四蓮華
香樂十黃金為地樂十一八音常奏樂十二
晝夜雨華樂十三清晨策勵樂十四嚴持妙
華樂十五供養他方樂十六經行本國樂十七
衆鳥和鳴樂十八六時聞法樂十九存念三

寶樂二十無三惡道樂二十一有佛變化樂
二十二樹搖羅網樂二十三千國同聲樂二
十四聲聞發心樂群疑論云西方淨土有三
十種益一受用清淨佛土益一得大法樂益
三親近佛壽益四遊歷十方供佛益五於諸

佛所聞授記益六福慧資糧疾得圓滿益七
速證無上正等菩提益八諸大人等同集一
會益九常無退轉益十無量行願念念增進
益十一鸚鵡舍利宣揚法音益十二清風動
樹如衆樂益十三摩泥水旋宣說苦空益十

四諸樂音聲奏衆妙音益十五四十八願永
絕三塗益十六真金色身益十七形無醜陋
益十八具足五通益十九常住定聚益二十
無諸不善益二十一壽命長遠益二十二衣
食自然益二十三唯受衆樂益二十四三十

二相益二十五無寶女人益二十六無有小
乘益二十七離於八難益二十八得三法忍
益二十九身有常光益三十得那羅延身益
如上略述法利無邊聖境非虛真談匪謬何
乃愛河浪底沉溺無憂火宅焰中焚燒不懼

史二

十六

密織癡網淺智之刃莫能揮深種疑根況信
之力焉能拔遂即甘心伏意幸禍樂灾却非
清淨之邦顧戀恐畏之世樵蛾蠟蠅自處餘
殃籠鳥鼎魚翻稱快樂故知佛力不如業力
邪因難趣正因且未脫業身終縈三障既不

愛蓮臺化質應湏胎藏稟形若受肉身全身
是苦既沉三界寧免輪迴今於八苦之中略
標生死二苦一生苦者攬精血為體處生熟
藏中四十二變而成約質上壓穢食下薰臭
坑飲冷若冰河吞熱如爐炭宛轉迷悶不可

具言及至生時衆苦無量觸手墮地如活剥
牛皮逼窄艱難似生脫龜殼銜冤抱恨擬害
母身纏觸熱風苦緣頤忘嬰孩癡駛水火橫
亡脫得成人有營身種業田既熟愛水頻滋
無明發生苦芽增長膠粘七識籠罩九居如

旋火輪循環莫已二死苦者風刀解身火大
燒體聲虛內顛鬼悖冤驚極苦併生惡業頃
現千愁鬱悒萬怖惶惶乃至命謝氣終寂然
孤逝幽途黠黠冥路茫茫與昔冤酬皎然相
對號天扣地求脫無門隨業淺深而歷諸趣

史二

十九

或倒生地獄或陰受鬼形忍饑渴而長劫號
咷受罪苦而遍身焦爛未脫二十五有善惡
之業靡亡追身受報未曾遺失生死海濶業
道難窮聲聞尚昧出胎菩薩猶昏隔陰況具
縛生死底下凡夫寧不被生苦所羈死魔所

繫故目連所問經云佛告目連譬如萬川長
注有浮草木前不顧後後不顧前都會大海
世間亦爾雖有豪貴富樂自在悉不得免生
老病死祇由不信佛經後世爲人更甚因劇
不能得生千佛國土是故我說無量壽佛國

易往易取而人不能修行往生反事九十六
種邪道我說是人名無眼人名無耳人大集
月藏經云我末法時中億億衆生起行修道
未有一得者當今末法現是五濁惡世唯有
淨土一門可通入路當知自行難圓他力易

就如劣土附輪王之勢惡遊四天凡質假仙
藥之功昇騰三島實爲易行之道疾得相應
慈旨叮嚀須銘肌骨問龐居士云事上說佛
國去此十萬里大海渺無邊動即黑風起往
者雖千萬達者無一二忽遇本來人不在因

緣裏如何通會而證往生若提宗考本尚
不說有佛有土豈言達之不達乎所以天真
自具不涉因緣匪動絲毫常冥真體若約事
論故非一等九品往生上下俱達或遊化國
見佛應身或生報土覩佛真體或一夕而便

登上地或經劫而方證小乘或利根鉅根或定意散意或悟遲遠根機不同或華開早晚時根有異今古具載凡聖俱生行相昭然明證自驗故釋迦世尊親記文殊當生阿彌陀佛土位登初地大集經彌勒菩薩問佛未知

史二

下

此界有幾許不退菩薩得生彼國佛言此娑婆世界有六十七億不退菩薩皆當往生智者大師一生修西方業所行福智二嚴悉皆迴向臨終令門人唱起十六觀名乃合掌讚云四十八願莊嚴淨土香臺寶樹易到無人

火車相現一念改悔者尚乃往生况戒定慧薰修行道力終不唐捐佛梵音聲終不誑人稱讚淨土經云十方恒河沙諸佛出廣長舌相偏覆天千證得往生豈虛構哉問維摩經云成就八法於此世界行無瘡疣生于淨土

何等為八既益衆生而不望報代一切衆生受諸苦惱所作功德盡以施之等心衆生謙下無鬪於諸菩薩視之如佛所未聞經聞之不疑不與聲聞而相違背不嫉彼供不高已利而於其中調伏其心常省己過不訟彼短

恒以一心求諸功德如何劣行微善而得往生答理湏具足此屬大根八法無瑕成就上品如其下但具一法決志無移亦得下品問觀經明十六觀門皆是攝心修定觀佛相好諦了圓明方階淨域如何散心而能化往

史

主

答九品經文自有昇降上下該攝不出二心一定心如修定習觀上品往生二專心但念名號衆善資薰迴向發願得成末品仍湏一生歸命盡報精修坐卧之間常面西向當行道禮敬之際念佛發願之時懇苦翹誠無諸

異念如就刑戮若在狴牢怨賊所追水火所逼一心求救願脫苦輪遠證無生廣度含識紹隆三寶誓報四恩如斯志誠必不虛棄如或言行不稱信力輕微無念念相續之心有數數間斷之意恃此懈怠臨終望往但為業障所遮恐難值其善友風火逼迫正念不成何以故如今是因臨終是果應湏因實果則不虛聲和則響順形直則影端故也如要臨終十念成就但預辦津梁合集功德迴向此時念念不虧却無慮矣夫善惡二輪苦樂二

報皆三業所造四緣所生六因所成五果所攝若一念心瞋恚邪淫即地獄業慳貪不實即餓鬼業愚癡暗蔽即畜生業我慢貢高即修羅業堅持五戒即人業精修十善即天業證悟人空即聲聞業知緣性離即緣覺業六

衆生垢心淨故衆生淨華嚴經云譬如心王實隨心見衆色衆生心淨故得見清淨刹大集經云欲淨汝界但淨汝心故知一切歸心萬法由我欲得淨果但行淨因如水性趣下火性騰上勢數如是何足疑焉

史

主

度齊修即菩薩示真慈平等即佛業若心淨即香臺寶樹淨刹化生心垢則丘陵坑坎穢土稟質皆是等偷之果能感增上之緣是以離自心源更無別體維摩經云欲得淨土但淨其心隨其心淨即佛土淨又經云心垢即

萬善同歸集卷第二

永樂北藏

萬善同歸

第一九五冊